

EPISTOLA II AD TIMOTHEUM.

ARGUMENTUM.

Item Timotheo scribit de exhortatione martyrii, et de omni regula veritatis, et quid futurum sit temporibus novissimis, et de sua passione, scribens ei ab urbe Roma.

CAPUT PRIMUM.

VERS. 1. — *Paulus apostolus.* Primo Apostolus salutat, deinde gratias agit de bono quod habet, ubi suum videndi eum desiderium ostendit. Postea monet ad prædicandum, et ad patientiam martyrii, suo exemplo et aliis modis. Inde dicit quales futuri sunt in novissimis diebus : tandem de tempore resolutionis suæ instanti. *Per voluntatem Dei.* Non meis meritis, quasi dicat : Similiter et tu gratis missus es, et ideo prædicandæ gratiæ magis obnoxius.

VERS. 3. — *Gratias ago.* Agit gratias de bono ejus, commendans fidei gratiam quæ in Christo est.

Memoriam. Flevit enim Timotheus a Paulo dimis-
sus, paratus cum eo ire ad omnia pericula. Quod ergo præsens habuit, absens teneat, *accipiens etiam recordationem fidei* quæ te commoneat, cum etiam in feminis fuerit firma.

VERS. 6. — *Propter quam.* Commendata fide illius, ad eam sine timore et erubescientia prædicandam exhortatur. *Per impositionem manuum.* Hoc est, gratiam Spiritus sancti, quæ accepisti ad Ecclesiæ institutionem, ad perpetrandæ miracula, ad omne religionis obsequium.

VERS. 7. — *Timoris.* Timore turbatus Petrus negavit Christum. Unde : *Nolite timere eos qui occidunt corpus* (*Matth. xxvi.*) Hujus timoris non acceptimus spiritum, sed illius de quo Dominus ait : *Eum timete qui potest corpus et animam perdere in gehennam.* Spiritus enim sanctus dat timorem non mundi, sed Dei, qui potest perdere in gehennam ignis.

VERS. 8. — *Noli itaque.* Constantiam habendam docet nec erubescendum esse in professione : non est enim ut erubescatur in ea : quia sicut homo visus est Christus, gestis tamen apparuit Deus etsi crucifixus est, resurrexit tamen a mortuis, et multis videntibus suscipiente eum nube, in cœlum ascendit. Ubi ergo putatur infirmitas, ibi appareat potentia.

VERS. 9. — *Qui nos liberavit.* Vicem reddere libe-
ranti convenit : Cuius cum beneficiis digne responderemus non valemus, saltem legationem ejus fideliter et instanter agamus.

VERS. 10. — *Qui destruxit.* Mors utpote victa, non est timenda pro fide Christi. *Illuminabit autem.* Quo hæc spectent, ibi aperit : *Formam habens.* Per *Evangelium.* Ostendit Deus vitam incorruptibilem,

A quæ prius ignota erat, ostendit, inquam, per prædicacionem Evangelii cuius prædicator est Paulus.

VERS. 11. — *In quo positus sum.* Hic suo exemplo hortatur. *Prædicator, et apostolus, et magister,* etc. Quenam vero ratio est, cum seipsum jugiter gentium magistrum vocet ? persuadere quippe vult, gentes quoque in hæreditatem Dei vocatas esse, atque ideo a consilio fidei non repellendas.

VERS. 12. — *Scio enim.* Quasi dicat : Ideo non confundor, id est deficio, vel non frustra patior, quia promisit et verax est et potens : et ideo credidi illum ipsum, qui mihi reddet. *Quia potens est.* Spe et magnificientia Salvatoris securus est, quia quod commendat illi, in tuto est. Illi autem commendat salutem suam, ut hic pro illo patiens, salutem inventiat penes illum cum cœperit judicare, ut puniens infideles, istum dignum æterna vita pronuntiet.

VERS. 13. — *Formam habens.* Hic ostendit quo de se prædicta spectent. Quasi dicat : Ita labore in isto officio mihi credito : similiter ergo et tu formam habens, etc.

Ex quibus est Phigellus et Hermogenes. Simulate hic cum Apostolo fuerunt, ut calumniam invenirent : sed postquam viderunt se manifestatos, recesserunt ab eo.

CAPUT II.

VERS. 4. — *Nemo militans.* Quasi dicat : Si bonus miles esse vis, non implices te sæcularibus negotiis, quia nemo, etc. *Negotiis.* Negotia sæcularia sunt cum animus occupatur colligendæ cura pecuniae sine labore corporis, ut negotiatores et hujusmodi : quod ne iste faceret, quia infirmus laborare non poterat, prohibet.

VERS. 6. — *Laborantem agricolam.* Quasi Timotheus quæreret : Unde ergo vivam cum fodere non possim, mendicare confundar ? subdit *laborantem agricolam.* Quasi dicat, etsi non implices te negotiis sæcularibus, est tamen unde vivere possis : *Quia oportet,* etc. *Primum percipere.* Id est sumere. *De fructibus.* Id est necessaria ab auditoribus, quia dignus est opearius mercede sua ; ut agriculta vel vinitor primos fructus laboris sui degustat, ita Apostolus prius jubet eum sumere qui primus est, et sic, cœteris distribuere. Primo enim debet ille suam necessitatem implere ex his qui accepit, et post, aliis de his quæ supersunt ministrare.

VERS. 8. — *Memor esto.* Labora sicut ego, et hoc spe vite æternæ. Hæc autem non propter Timotheum memorat, sed propter hæreticos quos prævidit futuros et ista negatueros.

VERS. 9. — *Quasi male operans.* Hic contumeliam notat quæ ei ingerebatur. Sed verbum Dei non est alligatum. Quasi dicat : Licet ergo sim alligatus corpore, tamen verbum Dei non est alligatum : qui

et sermone præsentes, et litteris absentes docere A non cesso.

VERS. 10. — *Salutem, etc., cum gloria, etc.*
Quasi dicat : Justificati estis ut hic consequamini salutem, et, post hanc vitam, gloriam cœlestem.

VERS. 11. — *Fidelis sermo.* Est iste, quod consequentur salutem et gloriam, nam sumus mortui mundo, sicut Christus veteri homini, et sustinentes, id est martyres.

VERS. 14. — *Hæc commone.* Hæc prædicta ut patiaris, commoneo te. Vel, hæc commone tuos. Ad nihil enim utile est. Contentio minus stabilis sepe generat scrupulum. Solent enim in contentione talia opponi elimato malevolentiae argumento, ut moveant animos insipientium fratum. Nec potest esse, quin contentio extorqueat aliquid quod dicatur contra conscientiam, ut intus in animo perdat, et foris victor accedat. Nemo enim patitur se vinci, licet sciat vera esse quæ audit. Collatio ergo inter Dei servos esse debet, non altercatio.

VERS. 17. — *Ex quibus est Hymenæus et Philetus.* Horum prodidit nomina, ut ab his spiritualiter caveat, quos et profanos et impios designat et errantes a veritate.

VERS. 18. — *Dicentes resurrectionem jam factam.* Duæ sunt resurrectiones. Prima est quæ fit in anima per fidem, quando qui mortuus erat in infidelitate et aliis peccatis, per fidem et baptismum viviscatur. Altera, quæ erit corporum, que erit in die judicii. De illa resurrectione quæ fit in anima per fidem loquitur hic Apostolus, cum ait : *Dicentes resurrectionem, mentium scilicet esse factam in baptismo, et in fide nullam resurrectionem corporum futuram.* Omnes sectæ quæ religionem promittunt, concedunt resurrectionem mentium in fide. Alter enim non viderentur audiendi. Volentes ergo credi sibi omnes etiam qui instituerunt alicujus falsæ religionis sectam, negare istam resurrectionem mentium non potuerunt, omnes de illa consenserunt. Sed corporum resurrectionem multi negaverunt, sicut isti quos nominat Apostolus.

VERS. 19. — *Cognorit Dominus qui sunt ejus, etc.* Id est, amat et defendit præscitos suos. In hoc notatur præscientia, qua quos præscivit futuros esse conformes imaginis Filii sui, id est prædestinavit, vocavit, justificavit, glorificavit.

VERS. 20. — *Vasa aurea et argentea.* Sicut enim vasa lignea et fictilia valent ut purgantur aurea et argentea, sic mali prosum ad profectum bonorum. Magna ergo domus, Ecclesia, in qua sunt vasa aurea et argentea, id est, boni et fideles et sancti Dei servi ubique dispersi et spirituali unitate devincti, in eadem communione sacramentorum degentes. Et vasa lignea et fictilia, id est illi qui sunt in domo, ut non sint in compage domus, nec in societate pacifica, et tamen adhuc corpore simul cum bonis.

VERS. 23. — *Stultas autem et sine disciplina quæstiones derita.* Non omnes quæstiones vitandæ, sed nutiles et sine disciplina.

VERS. 24. — *Serrum autem Domini non oportet litigare, sed mansuetum esse ad omnes.* Satis obstrupunt contradicentes. Ne ergo servus Dei sibi obstrupat studio altercandi. Non deesse voluit nos fratrum correptioni, nec studere certamini. Multi enim homines cum a somno excitantur, litigare volunt, au rursus dormire, cum litigare prohibentur.

VERS. 25. — *Nequando det illis Deus pœnitentiam ad cognoscendam veritatem.* Non prodest correptio, nisi supernus medicus respiciat, id est nisi faciat, ut peccati sui quemque pœniteat. Quæ pœnitentia pudore et timore displicendi aliis interdum impeditur, dum plus delectat hominem aliorum existimatio; quam justitia, qua se quisque humiliat penitendo. Ideoque non solum cum agitur pœnitentia, verum etiam ut agatur, Dei misericordia necessaria est. Ut enim Petrus amare fleret, respxit eum Dominus. Et ideo Apostolus hic dicit : *Det illis Deus pœnitentiam (Math. xxvi).*

CAPUT III.

VERS. 2. — *Seipsos amantes.* Non Dominum, ut Petrus, qui ter interrogatus a Domino, ter professus est se eum diligere dicens : *Tu scis quia amo te.* Unde et Dominus ei oves pascendas credit : quia in pascendis ovibus vera monstratur dilectio, si quis ibi non querit sua, sed quæ Christi sunt. Ex eo autem quod seipso, non Deum amant, quasi ex radice hæc quæ sequuntur mala oriuntur. *Ingrati.* Illi sunt ingrati qui corrigitibus mala pro bonis redditunt.

VERS. 5. — *Habentes speciem.* Quia habent eadem sacramenta cum piis. *Virtutem autem.* Virtus est, charitas de corde puro, conscientia bona, et fide non ficta.

VERS. 6. — *Qui penetrant.* Ingrediebantur enim domos mulierum, et decipiebant eas.

VERS. 7. — *Semper discentes et nunquam ad scientiam, etc.* Nos autem semper ambulemus in via docere eo veniamus quo dicit via, nusquam in illa remaneamus, donec perducat ubi maneamus. Auge ita et querendo tendimus, et inveniendo, ad aliquid pervenimus.

VERS. 8. — *Quemadmodum autem Jannes, etc.* Quasi dicat : Tales seducunt : veritati autem semper resistunt. Et hoc est quod ait : *Quemadmodum autem Jannes, etc.* Jannes et Mambres, duo fratres, fuerunt magi Pharaonis. Horum nomina non inventi Apostolus in divinis libris, sed in apocryphis, de quibus hoc sumitur. Hi autem restiterunt Moysi usque ad tertium signum, in quo defecerunt dicentes : *Digitus Dei est hic.* Et sicut illi restiterunt Moysi, ita hi scilicet haeretici mihi resistunt.

VERS. 13. — *Mali autem homines, etc.* Tales sunt qui timent hos ledere coram quibus loquantur qui non præparant ad tentationes, sed promittunt felicitatem hujus saeculi, quam Deus ipse secundo nos promisit. Ille prædicti labores usque in finem venturos saeculo : tu prospera. Ille ad confortandum cog

tuum, venit pati, mori, sputis illiniri, spinis coro-
nari, opprobria ferre, fel et acetum bibere, ligno
configi. Omnia hæc ille tulit pro te. Ille confortans
infirmum, ut cum crediderit, non speret prospera
hojus seculi; unde: *Fili, accedens ad servitutem Dei,
sta in justitia et timore, et præpara animam tuam ad
tentationes.*

VERS. 15. — *Sacras litteras nosti quæ te, etc.*
Multum signat prodesse Veteris Testamenti habere
notitiam, ubi Christi persona et incarnatione insinuat
quæ ad salutem hominum valet.

CAPUT IV.

VERS. 2. — *Importune.* Tu opportune agis, sed
importunus esse videris ei qui non libenter audit,
quod tamen ei aliquando prodest. Tu tamen sciens
hoc illi esse oppportunum, quod ei videtur importu-
num, dilectionem curamque sanitatis ejus, anime
tenebas mansuetus et modestus. *Increpa in omnibus.*
Timotheo acriorem suadet patientiam. Tito nimis
patienti, imperium persuadet.

VERS. 3. — *Coacervabunt sibi magistros.* Id est, qui
ea doceant quæ volunt. Prophetia est sancti apostoli,
qui præscius futurorum, in doctrina præcipit esse
instandum, ut contra hoc quod futurum erat, pre-
paretur Ecclesia. Tales enim dicit futuros, qui pro
desideriis suis doceri volunt ut a magistris scilicet
constantibus et veracibus ad eos convertantur qui
haec illos doceant quæ libenter audiant, quia veritas
illis aspera videbitur, ut relicta vera doctrina fabulis
vacent.

VERS. 5. — *Opus fac evangelistæ.* Testando opere
quod ore prædicans, ut retrorqueatur os turturis ad
ascellas, et sint mala punica et tintinnabula in ex-
tremis oris hyacinthinae tunicae.

VERS. 6. — *Delibor.* Libare dicimus, degustare,
fundere et immolare. Inde delibare, quod tamen hic
pro ipsa immolatione ponitur, passionem enim suam
deliberationem appellat. Deo enim immolatur qui pro
justitia patitur.

VERS. 7. — *Fidem,* que est caput Christianæ reli-
gionis, servari, quæ non potest haberi nisi Deo mi-
serante, quia donum Dei est; uude alibi ait: *Mise-
ricordiam consecutus sum, non quia fidelis eram, sed* D

A *ut fidelis essem.* Apostolum enim invenimus sine ul-
lis bonis meritis, imo cum multis vitiis Dei gratiam
consecutum, reddentibus bona pro malis. Qui sua
jam propinquante passione bona merita sua com-
memorat, post quæ consequetur coronam, qui post
mala merita consecutus est gratiam: quæ nisi prius
gratuita donaretur, corona non redderetur. Non ergo
merita ipsius tanquam ipsius sunt, id est ex ipso ei
comparata, sed dona Dei sunt.

VERS. 8. — *Reddet.* Si enim fides gratia est, et
vita æterna quasi merces est fidei; videtur quidem
Deus vitam æternam tanquam debitum reddere cui
debet fideli, quia promeruit illam per fidem; sed quia
fides gratia est, et vita æterna est gratia, per gratiam
ergo reddet. *Justus judex.* Utique justus retribuendo
B bona pro bonis, quia tamen prius misericors est re-
tribuendo bona pro malis; ipsa justitia qua retri-
buntur bona pro bonis non est sine misericordia.

VERS. 13. — *Penulam.* (CHRY.) Pallium hic pe-
nulam dicit, etc., usque ad ne ab aliis hanc accipere
opus sit.

VERS. 14. — *Alexander.* Iste est quem supra
dixit reversum ad apostasiam, qui fabricabat ædes
Dianæ apud Athenas, et omnes contra Apostolum
commovit. *Multa mihi mala ostendit.* (CHRY.) Qui a
magno aliquo premitur, etc., usque ad ut infirmiores
quoque etiam ex hac parte solatium capiant.

VERS. 16. — *Defensione.* Pressuram et tribula-
tionem sibi illatam defensionem appellat: tribulatio
defensio est Christianis, quia defendit eos in die
C judicii.

Non illis imputetur. Non orat pro Alexandro,
qui invidentia fraternitatem oppugnando peccaverat,
sed pro his qui abruperant amorem, sed timore
succubuerunt; orat ut eis ignoscatur. Multum enim
interest inter eos qui hoc modo et eos qui illo modo
peccant.

VERS. 17. — *De ore leonis.* Neronis, de cuius ma-
nibus liberatus est a Domino, quando venit Romam
adductus ab his qui præerant Judææ, ob hoc quod
Cæsarem appellasset. Nam cum venisset Romam
duobus annis mansit in libera custodia, post etiam
transivit ad alias nationes quæ erant in circuitu
Romæ.

EPISTOLA AD TITUM.

ARGUMENTUM.

Titum commonefacit et instruit de constitutione
presbyterii et de spirituali conversatione, et haere-
ticis vitandis, qui in traditionibus Judaicis credunt,
scribens ei a Nicopoli.

CAPUT PRIMUM.

VERS. 1. — *Paulus servus,* etc. Conditione non
tamen peccati misera servitute, sed Dei. Quidam
nobilitate, qualiter Moyses et David servi sunt ap-
pellati, et Maria ancilla. Secundum fidem electi. Id

est quam tenent vel quæ salvantur electi Dei, et ideo
per ea magis laborandum.

VERS. 2. — *In spem vitæ aeternæ.* Hæc res hic
fructus apostolici officii. Per hoc commendat offi-
cium apostolicum non tepidius agendum. *Ante tem-
pora,* etc. Non recens promissio, sed ante tempora
omnium sæculorum.

VERS. 3. — *Manifestavit.* Congruis hoc factum
est temporibus, scilicet Verbum, id est Filius: *Hæc
est vita aeterna.*